



220130



Mag. St. Del

P

Cracoviensis

Teol. 5316.

Ossoliński ^{Alex.} ~~Andreas~~ Nicolai Hospes Episcopus.

Datavii ex Typographia Camerali 1650.

HOSPES
EPISCOPVS.

Ofrolinski

EPISCOPVS.
MOSBY



ILLVSTRISSIMO ET REVERENDISSIMO
PRAESVLI

D. D. ALBERTO

Bini sunt POLONIAE Patroni Illustrissime Praesul. ALBERTVS
& STANISLAVS. Possedisti ALBERTVM posside &
STANISLAVM.

N I C O L A O

NICOLAVS. Nepos & Cliens Tuus Hospitem Episcopum
Tibi Hospiti.

A B O L E X O V V

Illustre Virorum Genus saepe Sacrum STANISLAI Nomen tenuit
in Haeredes. Vestrae Prosapiae series bis quaternos numerat
Stanislaos. Vester est Domesticus. Excipe nunc
peregrinantem.

G N I E V V O S Z

Amplissimae dignitatis Tuo Nomine totam impleuisse Poloniam parti
duxisti nisi impleuisses & Latium.

Vsque huc ad famam Nominis Tui sequitur Te Stanislaus Redux.

E P I S C O P O

Dedico EPISCOPVM CRACOVIANSEM.

V L A D I S L A V I E N S I.

QVI totus extitisti Vladislavianus: quid ni optabile censeas
Stanislavianum esse?

E T P O M E R A N I A E

Vt CRVCES Pomerania TVAE Crucibus iungantur STANISLAI

R E G N I P O L O N I A E P O S T R E G E M

I I I . S E N A T O R I

DOMINO PATRONO ET BENEFACTORI AMPLISSIMO.

Excusabis interim Illustrissime Praesul si tanquam
non in Patria loquor. Nunc humillimè deprecor
dum

220130_m



4
dum immortales Sanctissimi Prasulis Virtutes prosequar
ut faueas & fauoris publici viam prolixa humanitate
aperias. TE apud Celsissimos Italiae Principes tot Le-
gationibus functum auspici reditu in Patria remunerabi-
tur STANISLAVS quem TV placide tractas in
exteris.

Vræ Celsitudinis Deuotiss. Nepos
& Cliens

Alexander Nicolaus Comes de
Tenczyn. Olsolins Ki.
Consiliarius. Nationis Polonæ.

5
Salutate TE HOSPES STANISLAVS. Adriatici Neptuni
Troia. Mystici Dulcoris Conuiuia, in ore Leonis Tui. Suc-
cedit, Octauo Idus Maij, Tuis laribus, quos fixisti in Aquis;
quia Terrarum ambitus, non erant satis capaces, TVÆ Virtutis
Alba AQVILA, Comes est peregrini: manifestat nivosus Color,
POLONAM esse. Diuiduntur cum Ioue Imperia: Aquila Volu-
trum. TVA Mænia Piscium. Leo Quadrupedum dorsis insidet.

Si fractus illabatur Orbis

Impavidum ferient ruinae.

Non expauescet amplius ad flammam: habet quo restinguat. Scilicet
formidabit Orbes: circumactæ sunt MOLINI Rotæ. Minus me-
tuet cantantes gallos. Desyt parere Gallina Macædonum. Nun-
quam plorabit: quia nunquam morietur. Pacatus viuet: Ramo
Oleæ Columba pepigit Pacem. His gratatur STANISLAVS
TVAM humanitatem Hospitij: quo illum in Verustissima Antenoris
Urbe, post pulsum Geryonæ, aut talos aureos in fontem Aponi ia-
ctos, cum TVO ANTONIO, Aede in vna collocas. Sed necesse
arbitor, ut intime cognoscas Hospitem.

STANISLAVM SCEPANOVIVM. Gentilem Vadalici San-
guinis. Cinem POLONIA TVVM. Verus & illustris educavit
Familia Episcoporum ferax. Annales; tot Sui Stemmatibus notant E-
piscopos, quot pullos Aquilæ educunt, iusto partu. Sed natura;
sepe in Aquilis peccat: hic Nidus nunquam degenerat.

Labarum Stemmatibus, Genti religiosum: in speciem miraculosæ
Carauacanz Crucis, nisi Sinistrum cornu inferius demas. Maternæ
Domus Character, operatur Pietati toto poplite; in cernuam ado-
rationem inflexo. Paterna Signa, inauthorantur ad cultum Numi-
nis Semiduplici Cruce. Fulserunt Sponsores Cæli, Spe incorrup-
ta vincendi. IN HOC SIGNO. Verax omen. ubique
terruntur hostes vestigijs Crucis. Inde, ut formidolosius terreant,
geminantur Prussorum Cruces. C. Marij Aquilam quæ vicit Ro-
manis Orbem: Magnus Constantinus habilitavit ad victorias, Cruce
seulpta. Vincunt POLONAE AQVILAE, quas habilitant Prus-
sorum Cruces. Aquila, quæ recubuit Super pectus cænantis IESV;
eiusque sustinuit sub Cruce præstolari, donec retulisset Matrem &
Tutelam. Non staret tot sæculis ad Prussorum Cruces POLONA
AQVILA; nisi subodoraretur & Tutelam.

A 3 De-

Marc. Cro-
merus
Pol. Hist.

Descendo ad Natales. STANISLAVS SCEPANOVIVS; na-
tus est in Iustitia, cum Sol anhelasset ad Libram. Sol saepe Libram
deserit, æquitatem. STANISLAVS, nunquam deseruit. Tædiosi
Parentes, diuturno prolis desiderio sunt acri, tribus decennijs. Sed
non omnino succentemus Saturno triginta Annis suam legenti pe-
riodum; qui fertilitatis sit inventor.

Longa sterilitate temporis, post conditam REGNI POLONI
Libertatem; Sexto annorum centenarij nascitur STANISLAVS.
Pridem, sex iam TIBI eluxere sæcula; ex quo candidioris vitæ mi-
raculum, non edis POLONA Tellus. Parcamus sterilitati Paren-
tum. Ipsa Magnorum Virorum Regna, & Sæcula sunt sterilia. Et
Licet Phœnicis vitam exegeris, plena dierum POLONIA. Non
cremat sui sepimenta Nidi in alteram Auem TVA AQVILA.

Quid. in
Metam.

Statius.

Antequam sciret vivere STANISLAVS, Diuorum ministerio
nuncupatur. In cunis, mox seipso maior: ut iam tum Aquila; suo
Ganymede digna senserit, quem rapiat Ioui. Ita cunas egressus,
Cœlestis ille fetus; in eam speciem formari cepit, quæ probantes Poe-
tas, pueri Phrygis vultum, aut Laconij formositates ephebi, fatigaret.
Os, oculus, supercilium, genæ, qualia in Angelorum signis aspici-
mus. Totius Corporis gestus, parvus, & liberalis. Viuax indoles,
& venustissimo corpori par; grati & innoxij impetus, spirantes diui-
næ mentis imaginem.

Exacta pubertate, consignat idoneam iuuentutem Mineræ for-
matrici. Gnezatum REGNI Caput, dispensabat vulgares Musas,
domestica fama. Solliciti Parentes mancipant tenui Gymnasio vo-
lentem. Sed conatus Dædali angustum litus non tulit. Volat Ille
sublime, vix dum intrasset Nidum. Non defuturus Parens, Luteriâ
Parisijs ablegat flagrantem. vbi cultrix illa Gallicæ iuuentutis,
per tot Sæcula, Orbi altioris Sapientiæ pandit oracula. Vernans
Adonis, apponit Floris candori. Laxantur vberius Lilia Francica, ad
exortum Aquilæ, in Horizonte Gallico. Delicium Palladis. Ita
discere vouit, ut omnia sciret. Cumque (quod solenne est Gallis)

Plin. lib.
9. cap. 4.

scire vincere vellet in meditullio Gallorum scrutatus est Gemmam
qua vinceret Crotoniensis alter Milo.

Reperit Paternos lares, peregrinis animi mercibus grauis iustitor.
Depromit inestimabilia Vnionum pondera, quibus distinguat
AQVILAE Regalis Diadema; & Tiaram Sibi. Salutant, explorata
Vin.

Virtutum mercimonia, lætabundi Sarmatæ vtriusq; ripæ ad Vistulæ
Numinis rarum munus, inuidet admirata Vicinitas. Probat Capi-
tolinus Ordo. Stupet Aetas.

Deficiere Archiepiscopali Titulo, LAMBERTVS Nobilitatis Po-
lonæ facile primus, moderabatur Basilicæ Craconiensis ritus, Epi-
scopali clauo. Sacerdos antiqui moris, & in quo, secundi Aaronis
vultus, & candor, sinceræ posteritati fulserant. Transiit, per uagatâ
Regia, ad Aedes longevi Vatis celebre Viri Nomen; auctoque ru-
more, non perfunctoriè quatit, Senis Antistitis aures. Non patitur
Diuinus Mystes generosos insultus deprimi pubescentis Aquilæ.

Primum, Cooperatorem Misteriorum VERBI INCARNATI
debitè initiat mox Regale Sacerdotium, Coronis Canonicorum. S. Agustin
Craconiensium decorat. Ter duodenus ille Sacrorum Cetus, ter
Rex est in suo stemmate: accumulante Fortuna opes & Purpuram,
Patrius Ales ab illo Cubili, arcet minores Aquilas. Singuli illustri-
bus Familijs nati, non moritura linquunt posteritati marmora. Præ-
ter ea, quæ vocant, præstemonia, immensis patrimonijs aucti. Dum
spectas singula: Sedis illius Reguli. Subselliorum supercilio, nullû
grauius; si iungas paludamento Mitram & Galerum. Nullus ex eo
Nido, frustra elicitur ab Aquila; nisi ad REGNI munia, aut ad In-
fulas. Inconculsus hoc rerum sereno statu STANISLAVS; omnia
in DEVM Pietati dedit. Non duci fulgore auri, aut lubricis mortu-
alium curis: Sed pro caritatibus, pro familia, pro Domo, Cælum æsti-
mare, neque illa sua esse sed Numinis. Sic prensare Cælum quasi Ter-
ra sit caduca. Sic frui Terra, quasi Cælo nati simus. Ita flectere
Animum, ut incolam Corporis: ita corpus, ut mancipium Animi.

Interim Lambertus (quales vrinam sint Oratores sacri) facit Os
illud Veritatis loqui. Producitur in Sacra Rostra minaci lingua vin-
dex Demosthenes: quia impegerat secundò, corrupta Aetas illa in
Philippos. Spectat Aquila suam sobolem, superum ministerijs di-
gnatam esse. Sed quæ ante mansuetam Palladem pacare complecte-
batur; ea nunc, cum corusco Ioue seuerè fulminat. Deturbat stre-
nuè, fidus Diuorum Armiger, Cælo improperantes: & arroganti fa-
stu infascinata Capita, ex summis culminibus decussa, in imo calcant.
Saxosa & sterilia corda, vbi non fecundat Aetide, pulsant trifulco ful-
mine. Rorant Aegyptiaci silices, emolliti Moylis ramo efficaci. In
languidos liquores eunt crudæ cautes, nec parcitur obscæni Vultu-
ris

ris nidis a pura Aquila. Soluit glaciales scopulos, algida Sarmatia,
in lachrymas Magdalene.

Mantua-
nus in
Maria.

Ionæ
cap. 3.

— & madidos Magni Gedeonisimbres.
Tota Lechia, facilitatur ad singultus Petri quasi clangente gallo
Induitur Sagus Pœnitentium Septentrionalibus Nivibus, quo con-
cretæ præcordiorum incalescant niues. Felix videbatur POLONIA
suo Nestore: si in illo nectare non suxissent Napellum osiores Veri-
tatis.

Iamque incumbente Senectâ, sensim destituebatur Lambertus, vi-
gore Corporis, non Animi. Partitur ingrauescentiam laborum, cum
robusto Hercule senex Atlas: & frustra reluctantis lacertis deuoluit
suaue onus. Quid præstitit LECHE generositas TVÆ AQVILAE?
Viuentē adhuc Lamberto, Coadiutor Amplissimi Episcopatus Cra-
coviensis STANISLAVS aquilina indagine explorat, illius oneris
gravitatem. Funerato Præsule communibus Sacri Collegij, adde &
REGNI votis, EPISCOPVS CRACOVIENSIS nuncupatus,
consultas iam ante vires, tentatę moli subiicit Tripudiant sereni Ci-
nes, in illius Pontificatus crepundijs; quia pandebatur & Hymen.
Ecclesia Cracoviensis defuncto Lamberto erat sibi relicta subleuat
Ille viduam; benedicente Nuptias BENEDICTO V. quasi ad in-
nidiam Virginis, quam nuper Phœbus repudiauērat in suo epicyclo.

c. Sueton.
Cassius.
Dio.

BOLESLAVS tūc latē iura dabat Populis, gladio aut spōe obno-
xiis. Rex Magnis Regibus, dextra & animo nō impar; nisi crudelitates
Neronis, aut libidines Caligulae maluisset. Iamque virtuti eius,
scripserant sui Dalmatæ, Audacis nomen; sed illud dedecus, in pra-
uam detorsit ciuilitatem. Lasciuiebat parū pudicus Princeps, na-
ctus ignauias pacis: cultricesque amorum Columbas, illis admiscit
thoris, quorum bellaces Aquilæ hæredes erant. Exorbitantes Re-
gis Veneres, Sanctissimo PRAESVLI dedignant, copiam festinati
ad Regiam itineris faciunt. Teneris Ille hortatibus, quales exoran-
tium esse solent, demulcet arrogantem.

Ioan. Dlu-
gossius.

Plin. lib.
10.

Sed contumaciā monitis asperior, acquirit robur; in Dauide pri-
dem adultra. Facit Rex Christinam, spectatā aliōquin nobilitatis fæ-
minam, malē vtilem Regalis coësti; moecham sobolem non legiti-
mante marito: quod & suæ Aquilæ reprobant. Allidit degener
Gnesion, ad Petram Gnesinensem: quia primus & Petrus moderaba-
tur illas Clauēs. Nuncupatā Synodus effrontis adulteri castigato-
rem,

rem, simplici calculo STANISLAVM dicit: declinante offensam
vnoquoque. Nanciscitur Antistes Audacem inter reproba ocia su-
pinum; Vratislaviae in Vrbe Silesiae princepe, quam nunc detes Re-
ginarum a REGNI finibus discernunt; fortē suę libidini bonā: præ-
uentumque suffundit, ad vtriusque vultus excandescētiā. Non
licere sibi habere vxorem fratris sui. Reges nec Cœlo tantum, sed &
oculis hominum peccare; Vnctas Principum scapulas, non oportere
seortis profanari. Tullianæ Veritatis prodroma, minatur subulam
vltrix Liuiā: ne quod olim Domini Seruorum auribus, illa tuæ liber-
tati faciat.

Marci ca-
pite 6.

Exod. cap.
21.
Deut. cap.
16.

Instauratur Calumniæ Currus Triumphalis. Tum primū creui-
stis POLONI Vestras AQVILAS, quæ alioqui puris mentibus
candorem instillant, degenerasse in Coraces. Sic primēuam Regno-
rum innocentiam prostitui impertinentijs vindictarum. Erat dimit-
tat Sacrosanctus mos Polonis, potuisse Clerum conciliare bona No-
bilitium in rem Ecclesiæ. Sed quia Petrauinorum Sepulchra commo-
uebantur lex hodierna, sustulit. Tali iure mediocre Nobilis Viri
prædium, ad ripas Vistulae, quæsierat STANISLAVS in Episcopa-
tus commodum; quia noluerat in posteros. Orditur Causam quasi
perperam possessi, non æquus Princeps, Solecium versū laxatis papi-
lionibus, ut inuicaret ad spectaculum & Solem. Approbat Castra
militum iniuria & iniquitate esse potiora, quam Principum Aulas.

Cōstituit.

Egenus viuæ veritatis Præsul, quia cum fide erat Petrauii funeri
contumelata: compromittit cum partibus in testimonia mortuorum.
O Sæcula! O Cælum! Explorantur gelida Terræ viscera: pulsantur
sepulchrales petre, ut restituant Petrum, vocantur luridi manes,
obliuiosis ossibus. Extrahitur exanguis vmbra, collectis vtriusque pel-
le & ossibus. excapillat.incipite, cauis luminibus, exesis naribus,
integra mortis imagine, quales fastiditis & pingi. Resumptisque
spiritibus, ut primū fari potuit. Impii Rex & Nepotes estis. Quid
placide quiescentes turbatis Animas? Huic ego rus meum iusto pre-
cio vendidi. His dictis. Rediit Veritate iterū fortē sublata in tu-
mulum. Et necesse est accire pro Tribunali Petrauiinos, si fuissent Sta-
nislai. Inestimabilis Crux salutis nostræ, ægrē in Golphatha extolli-
tur; subito petras scindi, monumenta aperiri, multa Corpora San-
ctorum, qui dormierant, surgere; vidit incredulitas Gentis Idumææ.
Sed ut hucusque non videat. Facta hora Sexta, tenebræ factæ sunt
vsque

Matth. ca-
pite 27.

Mac. 15.
Luc. c. 23

Ezechiel
cap. 37.

vsque ad horam nonam. Inclyta Sarmatia. Vidisti Gentis Prus-
rum Cruces, petras scidisse, aperuisse triennialium manium vnas,
excirasse ossa arida. Caue tenebras a sexta ad horam nonam.

Victis Ruthenorum Ducibus ereāior Boleslaus, inter oblectamē-
ta Kionię, quę veteris Troiæ ruderibus insistere creditur, insolescebat.
Regis moram, & vxorum domi præuaricatiū nō seruata fœdera, per-
osis militibus, dilabitur iusta pars exercitus. Sequitur vlturus vtros-
que trux Tyrannus: & in reditu, adhibet adulterarum matronarum
pectoribus, iussos canes vt sequerent. Dissociat inhospitem Aquilam
a mansuetis solers Pastor; in suū caput cruentos conuersurus vngues.

Furori Regis amentiam acuenti, ea vindictę cupiditas arsit, quę
quotidiano feruore fremebat, euisceratam rabiem Pontificis cruore
quantopere saginari. Est Cracouię suburbanum, antiqua religione
nobile, Sācti Michaelis Sacellum. Verus Rupella suis AQVILIS. Ibi,
Octauo Idus Mai. Exhorrescit calamus. Atrociter deliberatum fla-
gitium perficitur. Secretò operantem Numini. Timeo proloqui.
Inter tremendi SACRIFICII Altaria. Princeps trucidat Pontificem.

Ouid. in
Metham.

Celsate Busyrides, aut longinquiore Thracibus, qui saturamini
sectis corporibus suorum Parentum. Nulla Aquila intriuit vnquam
carni crudelius vncum; inuitata licet a Vulture ad iecur Tityi. Appo-
suit Thyestis dapes cruentus Atreus suis Sarmatis. Duobus & Se-
ptuaginta frustis diuiso Pontificis Corpore. Iusta portio vniuscuius-
que Districtus TVI POLONIA, Scilicet in tot ferme Territoria Ma-
iora diuidis REGNVM. Memorabiles Idus, quibus ab ipsis (si fas di-
cere) erratum est Astris. Deflexerat Sol ex suo Zodiaco in Phalari-
dis Taurum, quando litatum est Ioui, in sinu Sarmatię, non cruore In-
fantium sed Episcopali.

Ionę c. 2.


Per patētes agros latē proiecto Corpori, parentant vigiles Aquilę
ieiunante fidelium volucrum feritate. Non plus biduo, dum vocat
Sacer Ordo, ad compagem Corporis sua membra, increscunt diuini-
tus articulis vltro. Vnius absentia pollicis Cœlesti lumine inuestiga-
tur post triduum in ventre Piscis: minor particula integro Iona.

4. Reg. 2.

Ita Corpore & Animo integerrimus ANTISTES incorporatur
Cœlo; panis que LECHIACAE AQVILAE pennis conuexum trans-
uehitur Poli. Facessite lymphati Augures. Nemo vnquam potiore
orbita triuit iter mollius: Bonis Auibus: Tepescentes igniti carpenti
rotas, flammanti resuscitat zelo, Helias alter Orbis Sarmatici: & pa-
tentiori,

tentiori, supra tertium Cœlum assultu rapitur: fide exequata Pauli. 2. ad co-
rinth. 12.
Polonicus hic Moyses. Sinai sacrosancti illius Montis imperscruta-
bili altitudine, a terrena depressione longè elocatus. Videt Dominum Exod. cap
facie ad faciem. Non eget Iacobi Soporati scalis, quibus Angeli 19.
ascendentes & descendentes, ægre fulti promouebantur. Ardor Se-
raphicus Illi, non amburit, sed addit alas, in flammis repullulantes, Gen. c. 32
quibus ceratis liquentes pennis Icaros, ex alto securè despicit. Frustra Gen. c. 28
eluctaris in sublime Sancta Ierusalem, abscedentis vestigiis insistit
pernix AQVILA: auratisq; TVIS postibus importat LECHIACAM Apoc. cap
Prolem æternum regnaturam. 3.

Ecce Vester HOSPES in AEde Patauina SERENISSIMA RES-
PVBICA VENETA. Hunc tracta tanquam Peregrinum, adora tan-
quam Præsulem, ama tanquam Domesticum.



Patauij, Ex Typograph. Camerali
Superiorum permissu.
M. DC. L.

